



«ՎՐԱՑԱԿԱՆ ԵՐԱՋԱՆՔԸ»՝ 11 ՏԱՐԵԿԱՆ

ԲԵԿՈՒՄՆԱՅԻՆ ԳՈՐԾԸՆԹԱՑՆԵՐԻ ՄԵԿՆԱՐԿԻ ԻՐԱԴԱՐՁՈՒԹՅՈՒՆ

(Սկիզբը՝ 1-ին էջում)

կաազգային, իր բովանդակությամբ հակապետական եւ հակաեվրոպական ռեժիմի քաղաքականության կարեւորագույն գործիքը սպառնալիքն էր, վախը, ահաբեկչությունը, բռնությունը երկրի քաղաքացիների նկատմամբ»,- ասված է վարչապետի հայտարարության մեջ:

Ըստ Իրակլի Ղարիբաշվիլու՝ հենց այդ ժամանակ էլ Բիծինա Իվանիշվիլու ղեկավարությամբ ստեղծվեց «Վրացական երազանք-ժողովրդավարական Վրաստան» կուսակցությունը:


- Սա էական, բեկումնային դարձավ մեր պետական զար-

գացման ճանապարհին: Այսօր կրկին համոզվում ենք, որ այդ հանգուցային որոշմամբ, մեր երկիրը փրկվեց ոչնչացումից: Այսօր տարածաշրջանում ընթացող իրադարձությունների ֆոնի վրա, անտարակուսելի է, որ արյունոտ, հակաազգային ռեժիմի պայմաններում, Վրաստանը կվերածվեր երկրորդ զրահավարժարանի,- հայտարարեց վարչապետը եւ հավելեց, որ Վրաստանի բնակչության ճնշող մեծամասնությանը հակապետական ռեժիմը խաղաղության փոխվեց եւ իշխանության ղեկի մոտ կանգնելու առաջին իսկ օրերից սկսեցին վարել ազգային քաղաքականություն:

- Ցանկանում եմ առանձնակի ընդգծել վիթխարի առաջընթացը եվրաինտեգրման ճանապարհին՝ ասոցացման համաձայնագրով, Եվրամիության հետ խոր եւ համընդհանուր ազատ առևտրի մասին» պայմանագրով, անայցեզրային պայմանակարգով եւ հիմա արդեն, Եվրամիության կողմից Վրաստանի եվրոպական հեռանկարի շնորհմամբ, Եվրոպայի ազատ, միասնական ընտանիքին մեր անդամակցության գործընթացը ստացավ անշրջելի բնույթ,- ընդգծեց վարչապետը եւ, ձեռքբերումների համար գործադրած ջանքերի համար, շնորհակալություն հայտնեց «Վրացական

երազանքի» յուրաքանչյուր անդամին, ողջ քաղաքական թիմին:

«Հանրագումարելով անցած տարիների արդյունքները, մեր շարժառիթը նույնն է՝ ավելի նպատակամղվածորեն շարունակենք ազգային քաղաքականությունը, ամրացնենք երկրի անկախությունը, խաղաղությունը, տնտեսական առաջընթացը, պաշտպանենք ու զարգացնենք մեր մշակույթը, ավանդույթները, իշխանության եւ ժողովրդի միասնությունը, միասին ընթանանք դեպի միասնական ազատ ու հզոր Վրաստան»,- ասված է վարչապետ Իրակլի Ղարիբաշվիլու հայտարարության մեջ:



ԵՎՐԱՄԻՈՒԹՅՈՒՆ
ՄՇԱԿՎՈՒՄ Է ՌՈՒՍԱՍԱՆԻ ԴԵՄ
ՊԱՏԺԱՄԻՋՈՑՆԵՐԻ ՆՈՐ ՓԱԹԵԹԸ

Եվրահանձնաժողովն աշխատում է Ռուսաստանի դեմ պատժամիջոցների 11-րդ փաթեթի վրա:

Գերմանիան արդեն խնդրել է պատժամիջոցների նոր փաթեթում ներառել Ռուսաստանի ատոմային էներգետիկան: Ինչպես հայտնի է, դրան դեմ է Հունգարիան:

Սակայն, ինչպես ավելի վաղ հայտարարել էր Եվրահանձնաժողովի նախագահ Ուրսուլա Ֆոն Լեյթները, պատժամիջոցների նոր փաթեթը ուղղված է լինելու՝ Ռուսաստանի դեմ արդեն գործող պատժամիջոցները շրջանցելու հնարավորությունների կրճատմանը:

ՍՈՒՐԱՆ
ՔԱՂԱՔԱՑԻԱԿԱՆ ՊԱՏԵՐԱԶՄԻ
ՎԵՐԱԾՎԱԾ ՀԱՎԱՍՏԱՐՈՒԹՅՈՒՆ

Սուղանում քաղաքացիական պատերազմի պատճառ եւ դարձել երկրի դե-ֆակտո ղեկավար, բանակի հրամանատար, գեներալ Աբդել Ֆաթթահ ալ Բուրիանի եւ «Արազ աջակցության ուժերի» ղեկավար Մոհամեդ Համդան Դազալո Դեմեթի միջեւ տարածայնությունները: Երկու գեներալները նախկին դաշնակիցներ են, որոնք միասին կազմակերպել էին 2021 թ-ի ռազմական հեղաշրջումը:

Ռազմական դիմակայության ընթացքում գնդակոծության է ենթարկվել ԱՄՆ դիվանագիտական շարասյունը:

Առողջապահության համաշխարհային կազմակերպության (ԱԴԿ) գլխավոր տնօրեն Թեդրոս Ադհանոմ Գեբրեյեսուսի հայտարարությամբ, Սուդանի բանակի եւ «Արազ աջակցության ուժերի» միջեւ բախումների սկզբից ի վեր, վերջին 5 օրերի ընթացքում, երկրում զոհվել է 300 մարդ, ավելի քան 2600-ը վիրավորվել է, թեպետ զոհերի թիվը կարող է շատ ավելի մեծ լինել, քանի որ բախումները շարունակվում են:

Ներկայումս Սուդանում են գտնվում ավիաընկերությունների աշխատակից Վրաստանի մոտ 30 քաղաքացիներ: Վրաստանի ԱԳ նախարարության հաղորդման համաձայն, նրանց կյանքին ոչինչ չի սպառնում:

ՖՐԱՆՍԻԱ
ԲՈՂՈՔԻ ՖՈՆԻ ՎՐԱ
ԿԵՆՍԱԹՈՇԱԿԱՅԻՆ ԲԱՐԵՓՈՒՄԱՆ
ՕՐԵՆՔԸ ՍՏՈՐԱԳՐՎԵՑ

Ֆրանսիայի նախագահ Էմանուել Մակրոնը ստորագրեց կենսաթոշակային օրենքը, որը նախատեսում է կենսաթոշակային տարիքը 62-ից հասցնել 64-ի:

Նախագահը օրենքն իր ստորագրությամբ հաստատել է նրանից հետո, երբ մի քանի ժամ առաջ նրան աջակցել է Ֆրանսիայի Սահմանադրական խորհուրդը:

Ֆրանսիայում հունվարից բողոքի զանգվածային ցույցեր են ընթանում կապված վիճելի կենսաթոշակային բարեփոխումների հետ: Երկրի քաղաքներում վավերացվել են ընդհարումներ իրավապահների եւ ցուցարարների միջեւ:

ԴԻՐՔՈՐՈՇՈՒՄ

ԻՐԱԿԻ ՂԱՐԻԲԱՇՎԻԼԻ. «ՄԵՐ ՀԱՄԱՔԱՂԱՔԱՑԻ, ՊԱՇՏՊԱՆՈՒԹՅԱՆ ՆԱԽԿԻՆ ՆԱԽԱՐԱՐ ԿԵԶԵՐԱՇՎԻԼԻՆ ԱՐԴԵՆ ՀԻՇԱՏԱԿՎՈՒՄ Է ՈՐՊԵՍ ՄԻՋԱԶԳԱՅԻՆ ՄԱԿԱՐԴԱԿԻ ԽԱՐԴԱԽ»



Ապրիլի 18-ին, Վրաստանի կառավարության հերթական նիստում, վարչապետ Իրակլի Ղարիբաշվիլին, անդրադառնալով պաշտպանության նախկին նախարար Դավիթ Կեզերաշվիլու շուրջ ծավալված միջազգային սկանդալին, նշեց. «Իսկությունը բացահայտվեց, մեր համաքաղաքացի, պաշտպանության նախկին նախարար Կեզերաշվիլին արդեն ծանաչվել է միջազգային մակարդակի խարդախ»:

Ինչպես նշեց վարչապետը, այսպես կոչված, քույցենտների գործով, Վրաստանի հետաքննչական ծառայությունն արդեն երկու տարի է, ինչ ակտիվ հա-

շական է նրանով, որ այն վերաբերում է մեր համաքաղաքացու կողմից իրականացված աննախադեպ ծավալի խարդախության սխեմայի գործարկմանը, որի արդյունքում Եվրոպայի երկրներից հափշտակվել է գրեթե 1 միլիարդ եվրո: Հավանաբար, մեկ տարի է, ինչ քննադատություն է հնչում արմատական ծայրահեղական ընդդիմության կողմից, որը ֆինանսավորվում էր եւ ֆինանսավորվում է կողոպտած փողերով: Ինչ խոսք, սա ամոթալի փաստ է,- հայտարարեց վարչապետը եւ հույս հայտնեց, որ հուսով է, որ այդ գործով տարվող հետաքննությունը կվերացնի բոլոր հարցականները, եւ խարդախ սխեմայում ներգրավված բոլոր անձինք կկրեն արժանի պատիժ:

ԽՈՐՀՐԴԱՐԱՆ

ՔՎՈՐՈՒՄԻ ԲԱՅԱԿԱՅՈՒԹՅՈՒՆԸ` ԸՆԴԴԻՄՈՒԹՅԱՆ ՆԱԽԱՏԵՍԱԾ ՔՆՆՉԱԿԱՆ ՀԱՆՁՆԱԺՈՂՈՎ ՍՏԵՂԾԵԼՈՒ ՀԱՐՋԻ ԳԵՂԱՐԿՄԱՆ ՊԱՏՃԱՌ



Ապրիլի 18-ին, 19-ին եւ 20-ին, Վրաստանի խորհրդարանի լիագումար նիստում, ընդդիմության նախաձեռնությամբ, ծրագրվում էր դատարանի հարցով ժամանակավոր քննչական հանձնաժողովի ստեղծման հարցի քննարկում: Բայց լիագումար նիստերում ընդդիմությանը չհաջողվեց հավաքել հարցի քննարկման համար անհրաժեշտ քվորումը:

Քվորումի բացակայության պատճառով քվեարկությունը չկայացավ: Նիստում, «Վրացական

երազանք» կուսակցության նախագահ Իրակլ Կոբախիձեն, պարզաբանելով կառավարող թիմի դիրքորոշումը, նշեց, որ խորհրդարանական մեծամասնությունը որոշել է

քվեարկությունից առաջ չգրանցվել:

- Սա համերաշխության ակտ է վրացի դատավորների նկատմամբ,- ասաց Իրակլի Կոբախիձեն:

Հիշեցնենք, որ ընդդիմության ներկայացուցիչները հանձնաժողովից պահանջում են հետաքննել դատական ոլորտում կոռուպցիայի եւ նեպոտիզմի ենթադրյալ փաստերը եւ դատավորների ազդեցիկ խմբի կողմից դատավորների վրա հնարավոր ազդեցության ղեկավարները:

ԱՊՐԵԼԻ 14-Ը` «ՎՐԱՑ ԼԵԶՎԻ ՕՐ»

«ՄԱՅՐԵՆԻ ԼԵԶՈՒՆ ԱԶԳԻ ԻՆՔՆՈՒԹՅԱՆ, ՄԻԱՍՆՈՒԹՅԱՆ ԵՎ ՈՒԺԻ ԱՄԵՆԱԿԱՐԵՎՈՐ ՈՐՈՇԻՉՆԵՐԻՑ ՄԵԿՆ Է»

(Սկիզբը՝ 1-ին էջում)

թեցին իրենց մայրենի լեզուն պաշտպանելու պայքարում: Խորհրդային Միության պատմության մեջ առաջին անգամն էր, որ ռեժիմը նահանջեց ժողովրդական ցույցերի արդյունքում: Այս հաղթանակը օրինակելի դարձավ մյուս հանրապետությունների համար եւ ազդեց նրանց սահ-

մանադրությունների վերջնական տարբերակի ձեւավորման վրա»,- իր ուղերձում նշել է վարչապետը:

Հիշեցնենք, որ 45 տարի առաջ՝ 1978 թվականի ապրիլի 14-ին, Վրաստանի Սահմանադրության մեջ պետական լեզվի մասին գրության փոփոխության դեմ Թբիլիսիում ուսանողների կողմից կազմակերպված ցույցեր սկսվեցին: Փոփո-

խությունների համաձայն, Վրաստանի Հանրապետությունում վրաց լեզվի պետական կարգավիճակը չէր արկվում էր: Բողոքների արդյունքում պահպանվեց վրաց լեզվի կարգավիճակը՝ որպես պետական լեզվի:

1990 թվականից «Վրաց լեզվի օրը» Վրաստանում նշվում է բազմաթիվ միջոցառումներով:

ՌՈՒՄ - ՈՒԿՐԱԻՆԱԿԱՆ ՊԱՏԵՐԱԶՄ

ԳԵՐԻՆԵՐԻ ՓՈԽԱՆԱԿՈՒՄ
ՋԱՏԿԱԿԱՆ ՏՈՆԻ ԱՌԻԹՈՎ

Ուկրաինայի եւ Ռուսաստանի միջեւ, Ջատկական տոնի հետ կապված, գերիների փոխանակում է տեղի ունեցել: Ուկրաինայի նախագահի աշխատակազմի հաղորդագրությամբ՝ Ուկրաինան ռուսական գերությունից վերադարձրել է 130 մարդու: Վերջին օրերի ընթացքում փոխանակումն իրականացվել է մի քանի փուլով: Ազատ արձակվածների թվում կան ուկրաինացի զինվորներ, սահմանապահներ, նավաստիներ, պետական տրանսպորտի ծառայության աշխատակիցներ, Ազգային գվարդիայի անդամներ:

ՈՒԿՐԱԻՆԱՑԻՆԵՐԻ ԶԻՆՏԵՆՆԻԿԱՅԻ
ԿՈՐՈՒՄՏՆԵՐՆ ԱՃՈՒՄ ԵՆ

Ռուսաստանի պաշտպանության նախարարության կողմից հրապարակած տեղեկատվության համաձայն, 2022 թվականի փետրվարի 24-ից մինչեւ ընթացիկ տարվա ապրիլի 21-ը, ուկրաինական կողմից սպանվել է ավելի քան 160 հազար զինծառայող, ոչնչացվել է 8 757 տանկ ու զրահամեքենա, 411 ինքնաթիռ, 228 ուղղաթիռ, 3 782 անօդաչու թռչող սարք, 415 զենիթահրթիռային համակարգ, զալպային կրակի հրթիռային 1 091 համակարգ, 4 633 հրետանային համակարգ, 9 650 ռազմական հատուկ տեխնիկա:

ԱՃՈՒՄ Է ՌՈՒՍԱԿԱՆ ԿՈՐՄԻ ԶՈՂԵՐԻ ԹԻՎԸ

Ինչպես տեղեկացրել է Ուկրաինայի Չինված ուժերի գլխավոր շտաբը, 2022 թվականի փետրվարի 24-ից մինչեւ 2023 թվականի ապրիլի 21-ը ներառյալ, ուկրաինական բանակի կողմից սպանվել է 185 050 ռուս զինծառայող, ոչնչացվել՝ 3669 տանկ, 7126 զրահամեքենա, 2 827 հրետանային համակարգ, համազարկային 539 համակարգ, հակաօդային պաշտպանության 285 համակարգ, 306 ինքնաթիռ, 295 ուղղաթիռ, 5713 ավտոմոբիլային տեխնիկա, 18 մարտանավ, 2 395 անօդաչու թռչող սարք, 911 թեւավոր հրթիռ, 334 հատուկ տեխնիկա: Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՎՐԱՍՏԱՆ - ԱՆՆ

ԸՆԴՈՒՅՑՆԵՐ ԴԱՏԱՎԱՐԱԿԱՆ ՀԱՄԱԳՈՐԾԱԿՈՒԹՅԱՆ ԿԱՐԵՎՈՐՈՒԹՅՈՒՆԸ

Ապրիլի 19-ին, Վրաստանի վարչապետ Իրակլի Դարիբաշվիլին հանդիպում ունեցավ Ամերիկայի Միացյալ Նահանգների պետքարտուղարի տեղակալի օգնական Էրիկա Օլսոնի հետ:

Հանդիպմանը քննարկվեց երկու երկրների ռազմավարական գործընկերությունը, ընդգծվեց տարբեր ոլորտներում համագործակցության ամրապնդման կարևորությունը:

Իրակլի Դարիբաշվիլին եւ Էրիկա Օլսոնն անդրադարձան նաեւ տարածաշրջանում եւ աշխարհում առկա անվտանգության միջավայրին, ընդգծվեց Վրաստանի վարչապետի նախաձեռնած Հարավ-կովկասյան խաղաղության եւ հարեւանության նախաձեռնության կարևորությունը:

Անդրադարձ կատարվեց Եվրասիական զորքային հիմնադրամի Վրաստանի գրանցած շոշափելի առաջընթացին:



ՇՆՈՐՀԱՎՈՐԱՆՔ ՄԱՅՍԵՂԱԿԱՆՆԵՐԻՆ՝ ՈԱՄԱՂԱՆԻ ԿԱՊԱՑՈՒԹՅԱՆ

Վրաստանի վարչապետ Իրակլի Դարիբաշվիլին մասնակցեց Ռամադանի կապակցությամբ երկրի մահմեդական համայնքի կողմից կազմակերպված «Իֆտար» միջոցառմանը:

Նա երկրի մահմեդականներին շնորհավորեց Ռամադանի առիթով:

Վարչապետն ընդգծեց, որ Վրաստանը պատմականորեն խաղաղ, կրոնական համակեցության երկիր է եւ հանդուրժողականության կենտրոն: Նրա խոսքով, վրաց հողի վրա խաղաղ գոյակցում են սունիներն ու շիաները, վրացիները, ադրբեջանցիները, քիստոնյաները եւ ինգուշ մուսուլմանները:

Վարչապետը նշեց նաեւ, որ կրոնական գործակալության հիմնադրումից ի վեր՝ մահմեդական համայնքին է հանձնվել 228 մզկիթ, իսկ մոտ 70 մզկիթ հանձնման փուլում է:

ԶԱՏԿԱԿԱՆ ՆԵՐՈՒՄ 10 ԴԱՏԱՊԱՐՏՅԱԼԻ

Վրաստանի նախագահ Սալոմե Զուրաբիշվիլին, Ջատկի տոնի կապակցությամբ, ներում է շնորհել տասը դատապարտյալի:

Ներված դատապարտյալներից հինգն ամբողջությամբ ազատվել են քրեակատարողական հիմնարկում ազատազրկման հետագա պատիժը կրելուց: Նաեւ երեք դատապարտյալների նկատմամբ կրճատվել է քրեակատարողական հիմնարկում կրելու մնացած պատիժը, իսկ երկու դատապարտյալ ամբողջությամբ ազատվել է հետագա պայմանական ազատազրկումից:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (21 ապրիլի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.5140
1 ԵՎՐՈ	2.7581
100 ՌՈՒՔԼԻ	3.0790
1000 ԴՐԱՄ	6.5003

ՀԱՄԱԳՈՐԾԱԿՈՒԹՅՈՒՆ

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐԸ ՀԱՆԴԻՊԵՑ ՄԻՋԱԶԳԱՅԻՆ ՖԻՆԱՆՍԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԿԱՅԱՃՈՒՅԻՆՆԵՐԻ ՀԵՏ



Վերջին մի քանի օրերի ընթացքում, Վրաստանի ֆինանսների նախարար Լաշա Խուցիշվիլին հանդիպումներ ունեցավ Եվրոպական ներդրումային բանկի (EIB) փոխնախագահ Տերեզա Չերվինսկայայի, Վերականգնման եւ զարգացման եվրոպական բանկի (EBRD) նախագահ Օդիլ Ռենո Բատյի եւ Արժույթի միջազգային հիմնադրամի փոխտնօրեն Բո Լիի հետ:

Վերոնշյալ հանդիպումներում կողմերը, մասնավորապես, քննարկել են Եվրոպական ներդրումային բանկի կողմից երկրի համար առաջնահերթ ուղղություններին աջակցելու նպատակով իրականացվող ծրագրերը, EBRD-ի կողմից Վրաստանում ֆինանսավորվող ընթացիկ ծրագրերն ու ապագա գործընկերության հարցերը, Արժույթի միջազգային հիմնադրամի կողմից երկրի հարկաբյուջետային եւ դրամավարկային քաղաքականության աջակցության հարցերը:

ՕՍԲՈՒՂԱՄԵՆԻ ԳՐԱՄԵՆՅԱԿՈՒՄ

ԺՈՂՈՎՐԴԱԿԱՆ ՊԱՇՏՊԱՆԸ ՀԱՆԴԻՊԵՑ ԱԶԳԱՅԻՆ ՓՈԹՐԱՄԱՍՆՈՒԹՅԱՆ ԽՈՐՀՐԴԻ ԱՆԴԱՄՆԵՐԻ ՀԵՏ

(Սկիզբը՝ 1-ին էջում)

Ների ներկայացուցիչներ, այդ թվում էին Անուշ Ստեփանյանը, Վան Բայբությանը, Մարի Առաքելովան, Սուսաննա Խաչատրյանը: Հանդիպմանը քննարկվեցին ազգային փոքրամասնությունների իրավունքների եւ վրաց հասարակայնությանը ինտեգրման ուղղությամբ երկրում առկա հիմնական դերերը եւ ձեռքբերումները, խո-

սեցին մշակութային եւ պատմական ժառանգության պահպանման հարցերի, քաղաքական կյանքում ազգային փոքրամասնությունների ներգրավման անհրաժեշտության, երկրի զարգացման գործընթացում երիտասարդ սերնդի, այդ թվում՝ «1+4» ծրագրի շրջանավարտների ներուժի օգտագործման անհրաժեշտության մասին, ընդգծվեց դիմակայության գոտում ապրող բնակիչներին ժողովրդական դիվանագի-

տության ծավալման կարևորությունը:

Լեւան Իոսելիանին պատրաստակամություն հայտնեց է՛լ ավելի սերտորեն համագործակցել ազգային փոքրամասնության խորհրդի հետ, ընդգծելով, որ հարաբերությունը պետք է իրականացվի տրված մանդատի շրջանակներում, որպեսզի հաջողության հասնեն ազգային փոքրամասնություններին հուզող հարցերի կարգավորման գործում:

ԱՌՈՂՋԱՊԱՐՈՒԹՅՈՒՆ

COVID 19-Ի ՆՈՐ ՀՏԱՄ. ԱՐՃՈՒՆՔԱԲԵՐՈՒԹՅՈՒՆ, ՔՈՐ, ԿԱՐՍՐՈՒԹՅՈՒՆ

Ինչպես հայտարարեց Թբիլիսիի Իշվիլու անվան կենտրոնական մանկական հիվանդանոցի տնօրեն Իվանե Չխաիձեն, Covid 19-ի նոր շտամը, ի տարբերություն մյուս տարբերակների, բնութագրվում է արցունքաբերությամբ, կարմրությամբ եւ քրոշով: Covid 19-ի նոր շտամի ախտանշաններից է նաեւ կոկորդի թեթեւ ցավը, գլխացավը, ցածր ջերմությունը, հազը եւ փռշտոցը:

Կորոնավիրուսի նոր տարբերակը՝ XBB.1.16-ը, առաջին անգամ հայտնվեց Չնդկաստանում մարտի սկզբներին, իսկ մի քանի շաբաթ անց՝ վարակի դեպքերի կտրուկ աճ արձանագրվեց: Վարակման դեպքերի աճի պատճառով Չնդկաստանի մի քանի նահանգներում դիմակ կրելը դարձել է պարտադիր: Նոր տարբերակն ունի նաեւ երկրորդ անուն՝ «Arcturus», որը աստղի անուն է:

- «Omicron»-ի նախորդ տարբերակի համեմատ՝ այս տար-

բերակն ունի մեկ լրացուցիչ մուտացիա, որը հետաքննում է տարածումը: Առողջապահության համաշխարհային կազմակերպությունն այս տարբերակը ներառել է «Կորոնավիրուսի մոնիտորինգի աշխատանքային զանգվածի տարբերակներ» կոչվող խմբում, - նշել է Իվանե Չխաիձեն:

Ի դեպ, կորոնավիրուսի նոր շտամը՝ «Arcturus»-ը, XBB.1.16-ը, արդեն հաստատվել է 29 երկրներում:

ՏԱՐԱԾԱՆԵՐԱՆ

ԱԽԱԼՔԱԼԱՔԻ. ՔԱՂԱՔԱՊԵՏԱՐԱՆԻ ՈՂՋՈՒՆԵԼԻ ՆԱԽԱԶԵՌՆՈՒԹՅՈՒՆՆԵՐԸ

Ախալքալաքի մունիցիպալիտետի քաղաքապետ Մելքոն Մակարյանի աջակցությամբ եւ քաղաքապետարանի կրթության, մշակույթի, սպորտի, հուշարձանների պահպանության եւ երիտասարդության հարցերի ծառայության կազմակերպմամբ՝ անցկացվեց բազմամարտի քաղաքային մրցույթ:

Ախալքալաքի մարզահամալիրի դահլիճում մրցույթն անցկացվել է 5 պատանիների եւ 4 մեծահասակների անվանակարգերում: Լարված եւ հետաքրքիր ձեւաչափով անցկացված մրցույթում հաղթանակած մարզիկները պարգևատրվել են գավաթներով, մեդալներով եւ համապատասխան որակի դիպլոմներով:

* * *

Ապրիլի 18-ին, Ախալքալաքի մունիցիպալիտետի քաղաքապետ Մելքոն Մակարյանի նախա-



ձեռնությամբ, Հուշարձանների եւ պատմական վայրերի միջազգային օրվա կապակցությամբ, Ախալքալաքիում գտնվող 11-րդ դարի ամրոցի տարածքում, կազմակերպվեց մաքրման ակցիա, որին մասնակցեցին Ախալքալաքի քաղաքապետի առաջին տեղակալ Թեմուրազ Մեղելիձեն եւ մշակույթի, կրթության, սպորտի բաժնի ներկայացուցիչներ:

Էջը պատրաստեց ՅՈՒՐԻ ԽՈՐԵՆՅԱՆԸ

ԱՄԵՐԻԿԱՆ ՈԱԶՄԱՔԱՂԱՔԱԿԱՆ ԱԶԱԿՑՈՒԹՅԱՆ ԽՈՒՄԲԸ՝ ՆԻՆՈՇՄԻՆԴԱՅՈՒՄ

Ապրիլի 20-ին Նինոծմինդայի մունիցիպալիտետի քաղաքապետ Անի Մոսոյանը հանդիպեց Ամերիկայի Միացյալ Նահանգների ռազմա-քաղաքական աջակցության խմբի հետ:

Հանդիպման ընթացքում՝ խոսեցին մունիցիպալիտետում իրականացված եւ եղած բժշկական անհրաժեշտությունների մասին:

Քաղաքապետ Անի Մոսոյանը խոսեց դիպլոմատիայի կենտրոնի անհրաժեշտության մասին, իսկ ԱՄՆ-ի ռազմա-քաղաքական աջակցության խմբի անդամները նշեցին, որ իրենց իրավասություն- կուն մունիցիպալիտետին բժշկական ոլորտում օգնություն կցուցաբերեն:



ԿԱՌԱՎԱՐՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ՄՆՆՊԱՄԹԵՐՔԻ, ՎԱՌԵԼԻՔԻ, ԱՊՐԱՆՔՆԵՐԻ ՓՆԵՐԸ ԶԳԱՒՈՐԵՆ ՆՎԱԶԵԼ ԵՆ»

(Սկիզբը՝ 1-ին էջում)

թերքի եւ հացի գները զգալիորեն նվազել են:

- Ցանկանում եմ շնորհակալություն հայտնել բոլորին, ովքեր աջակցել են կառավարությանն այս քաղաքականության իրականացման գործում եւ բավական համարժեք քայլեր ձեռնարկվել: Այնպես որ, մեր խնդիրը այս տարի պետք է լինի 5 տոկոս գնաճի նշագծի, պահպանելը, բարձր տնտեսական աճի պահպանումն ու նման կարելու, լայնածավալ ծրագրերի իրականացումը,- ասաց վարչապետը:

ԳՈՐԾԱՐԿՎՈՒՄ Ե ՀԱՆԳՍՏԱՎԱՅՐԵՐԻ ԶԱՐԳԱՑՄԱՆ ԲԱԶՄԱՄԻԼԻՈՆԱՆՈՑ ԾՐԱԳԻՐԸ

Կառավարության նստումն երկրի վարչապետը, անդրադառնալով Վրաստանի հանգստավայրային ենթակառուցվածքի զարգացման հիմնախնդրին, նշեց, որ երկրի կառավարությունը գործարկում է քաղաքների եւ հանգստավայրերի զարգացման նոր լայնածավալ պետական ծրագիր, որի իրականացման համար կհատկացվի ավելի քան 1 միլիարդ լարի:

- Այժմ մենք սկսում ենք ավելի լայնածավալ պետական քաղաքների եւ հանգստավայրերի զարգացման ծրագիր, որը լինելու է հնգամյա եւ որի համար բյուջեից հատկացվելու է մեկ միլիարդ լարի: Կմշակվեն հայեցակարգեր: Մունիցիպալ զարգացման հիմնադրամը կսկսի ակտիվ աշխատանք այս ծրագրի իրականացման ուղղությամբ,- հայտարարեց վարչապետը եւ հավելեց, որ կստեղծվեն նոր հանգստի գոտիներ ու զբոսաշրջիկների համար գրավիչ վայրեր, կվերականգնվեն պատմամշակութային օբյեկտներ:

Իրակլի Ղարիբաշվիլու խոսքով, կառավարության հնգամյա ծրագիրը ներառում է 11 վայր՝ Բորժոմի, Բակուրիանի, Քութայիսի, Շղալտուբո, Թելավի, Ջուգոթի, Մցխեթա, Բաթումի, Ստեփանծմինդա, Մեստիա եւ Ղազբեզի: Ծրագրի իրականացման աշխատանքների կատարումը վստահված է Վրաստանի ենթակառուցվածքների եւ տարածաշրջանային զարգացման նախարարությանը, ինչպես նաեւ Մունիցիպալ զարգացման հիմնադրամին: Ծրագրի իրականացման 2023 թվականի առաջին փուլի համար հատկացվում է 200 միլիոն լարի:

Վարչապետը հիշեցրեց, որ կառավարության նախաձեռնությամբ 2021 թվականից գործում է «Նորացված տարածաշրջաններ» ծրագիրը, որի շրջանակներում Վրաստանի կառավարությունը նախատեսում է ֆինանսավորել տարածաշրջանների ենթակառուցվածքների բարելավմանը եւ զբոսաշրջության զարգացմանն ուղղված նախագծերը:

Պետության համար ծրագրի առաջին փուլի արժեքը կազմել է 500 մլն լարի եւ ընդգրկեց Վրաստանի 63 շրջան:

ՎՐԱՍՏԱՆԸ ՓՈԽՆԱՓՈԽ ԿՎԵՐԱԾՎԻ ԵՎՐՈՊԱԿԱՆ ՊԵՏՈՒԹՅԱՆ

Ապրիլի 18-ին, կառավարության նիստում, վարչապետը, խոսելով երկրի սոցիալ-տնտեսական զարգացման ուղղությամբ կառավարության կողմից իրականացվող միջոցառումների մասին, նշեց, որ հիմքում Վրաստանը փուլաբար Եվրոպական տիպի պետության վերածվում է:

- Վրաստանում նշանակալի քայլեր են կատարվել Եվրամիության թեկնածուի կարգավիճակի ստացման նպատակով եւ Եվրահանձնաժողովի 12 հանձնարարականների կատարման ուղղությամբ:

Այդ են վկայում են երկրում անցկացված լայնածավալ բարեփոխումները, որոնք ընդգրկում են իշխանության տարբեր ճյուղեր եւ էկոնոմիկայի ու սոցիալական ոլորտի տարբեր բնագավառներ,- նշեց վարչապետը՝ հավելելով, որ իրականացված բարեփոխումների արդյունքներն արդեն իսկ շոշափելի են:

ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅՈՒՆ

ՀԱՅԱՍՏԱՆԸ ԳԼԽԱՎՈՐՈՒՄ Ե ՎՐԱՍՏԱՆԻ ԱՄԵՆԱԽՈՇՈՐ ԱՐՏԱՅԱՆՈՂ ԵՐԿՐՆԵՐԻ ՑԱՆԿԸ

Վրաստանի ազգային վիճակագրական ծառայության տվյալներով, 2023 թվականի հունվար-փետրվար ամիսներին Վրաստանի ընդհանուր արտահանման 58 տոկոսը կամ 532 մլն դոլարը ուղղվել է ԱՊՀ շուկա: Նախորդ տարվա համեմատ, ԱՊՀ արտահանումն աճել է 202 մլն դոլարով: 2022 թվականի հունվար-փետրվար ամիսներին Վրաստանից արտահանված ապրանքների 43,4 տոկոսը բաժին է ընկել ԱՊՀ երկրներին:

ԱՊՀ երկրների հետ արտաքին առևտրի աճին զուգընթաց, նվազել է արտահանումը դեպի Եվրամիության երկրներ: Անցյալ տարվա նույն ժամանակահատվածում ԵՄ երկրների մասնաբաժինը Վրաստանի ընդհանուր արտահանման եւ ներմուծման մեջ կազմել է 20,9 տոկոս, 2023 թվականի հունվարին ու փետրվարին այս ցուցանիշը նվազել է մինչեւ 12,7 տոկոս:

Ընդհանուր արտահանման մեջ տեղական արտահանման տեսակարար կշիռը նվազել է 10,6 տոկոսով, տեղական արտահանման մասնաբաժինը ընդհանուր արտահանման մեջ կազմում է 54,3 տոկոս:

2023 թվականի սկզբին Վրաստանից արտահանվող ապրանքների հնգյակում են եղել ավտոմեքենաները, պղնձի հանքաքարերը, ֆերրոհամաձուլվածքները, գինին ու ոգելից խմիչքները:

Ամենախոշոր արտահանող երկրների ցանկը գլխավորում են Հայաստանը, Ռուսաստանն ու Չինաստանը:

ՄԻՍՈՆ ԿԻԼԱԶԵ

ԿՐԹԱԿԱՆ

ԳԻՈՐԳԻ ԱՄԻԼԱԽՎԱՐԻ. «ՈՐԱԿՅԱԼ ԿՐԹՈՒԹՅԱՆ ԳՐԱՎԱԿԱՆՆ ԱՆՎՏԱՆԳ ԴՊՐՈՑՆ Է»

Վրաստանի կրթության եւ գիտության նախարար Գիորգի Ամիլախվարիի որոշմամբ, ընդհանուր կրթության զարգացման ուղղությամբ ստեղծվում է աշխատանքային խումբ:

Նախարարի գլխավորությամբ գործող այդ խմբի նպատակն է լինելու միջոցներ ձեռնարկել հանրակրթական զարգացման ուղղությամբ: Խմբի գործունեությունը համակարգելու է կրթական հարցերի խորհրդատու, բանասիրական գիտությունների դոկտոր, մանկավարժ Գիա Մուրդուլիժ:

Աշխատանքային խմբի առաջին համոդիսումը քննարկվել են ուսուցիչների մասնագիտական զարգացման սխեմայի կատարելագործման ազգային ուսումնական ծրագրի եւ դասագրքերի որակի բարելավման, գրիֆի-

րացման գործընթացի եւ դպրոցների հետ առնչվող այլ նշանակալից հարցեր:

Աշխատանքային խմբի համոդիսումը Գիորգի Ամիլախվարին, անդրադարձել է նաեւ անվտանգ դպրոցի կառուցողական թեմային, նշելով, որ դպրոցի անվտանգությունն ապահովելու կարելու դերն այսօր վերապահված է կրթօջախներում գործող մանուկատուրային ծառայությանը:

- Որակյալ կրթության ապահովման հիմնական գործոններին մենք անվտանգ դպրոց ենեմալ են: Հետեւաբար, տարի-



ների ընթացքում մի շարք բարեփոխումներ են իրականացվել եւ գործնականում այսօր կարգադրիչ ծառայությունը կայացել է որպես ընկեր՝ երեխայի եւ ծնողի ու նաեւ օգնական ուսուցչի համար,- ընդգծել է նախարարը:

ՄԻՋԵՎ ՆՈՅԵՄԲԵՐԻ 1-Ը՝ 6 ՏԱՐԵԿԱՆԸ ԼՐԱՅԱԾ ԵՐԵՄԱՆԵՐԸ ԿԿԱՐՈՂԱՆԱՆ ԸՆԴՈՒՆՎԵԼ ԱՌԱՋԻՆ ՂԱՍԱՐԱՆ

Վրաստանի կրթության եւ գիտության նախարար Գիորգի Ամիլախվարիի որոշմամբ, փոփոխություն է կատարվել Վրաստանի «Հանրակրթության մասին» օրենքում, ըստ որի՝ 2023-2024 ուսումնական տարում այն երեխաները, ովքեր մինչեւ նոյեմբերի 1-ը կդառնան 6 տարեկան, կկարողանան առաջին դասարան հաճախել:

Նախարարությունից հայտնում են, որ նշված որոշման հիմքում ընկած են քաղաքացիների մի շարք հայտարարություններ, որոնք պահանջում են վերանայել Վրաստանում տարրական մակարդակով կրթություն սկսելու տարիքի կարգավորող նորմը: Ծնողների՝ մինչեւ 6 տարեկան երեխաների վերաբերյալ բացառություն անելու խնդրանքը հատկապես մեծ է հոկտեմբեր ամսին ծնված երեխաների՝ պետական եւ մասնավոր դպրոցներում ընդունվելու համար:

Խորհրդարանի հաստատմանը ներկայացված «Հանրակրթության մասին» օրենքի փոփոխությունը ծնողներին է վերապահում ընտրության իրավունքը, նրանք կարող են որոշել՝ երեխային արդեն ուղարկել դպրոց, թե՞ թողնել մանկապարտեզում:

Ավելացնենք, որ Վրաստանի խորհրդարանը արագացված կարգով է քննարկելու վերոնշյալ օրինականագիծը, քանի որ 2023-2024 ուսումնական տարվա համար առաջին դասարանցիների էլեկտրոնային գրանցումը մեկնարկել է ընթացիկ տարվա մարտի 6-ին եւ ավարտվել մարտի 20-ին: Գրանցման առաջին փուլում որպես առաջին դասարանցիներ, գրանցվեցին սահմանափակ հնարավորություն ունեցող, մինչեւ հոկտեմբերի 1-ը 6 տարեկան լրացած երեխաները, իսկ հաստատված փոփոխությունից հետո, գրանցվելու իրավունք ունեն նաեւ՝ մին-

չեւ նոյեմբերի 1-ը ծնված եւ 6 տարեկանը լրացած սահմանափակ հնարավորություն ունեցող երեխաները:

Առաջին դասարանցիների գրանցման երկրորդ փուլը կմեկնարկի մայիսի 2-ին եւ կշարունակվի մինչեւ մայիսի 15-ը ներառյալ: Այդ փուլում գրանցման իրավունք կունենան այն երեխաները, ում քույր-եղբայրները սովորում են դպրոցում, ծնողը, խնամակալը այդ դպրոցի աշխատակից է, ընտանիքից միաժամանակ կարող է գրանցվել երկու եւ ավելի երեխա:

Երկրորդ փուլում առաջին դասարանցիների գրանցումն իրականացվում է ծնողի կամ օրինական ներկայացուցչի կողմից անհրաժեշտ փաստաթղթերի ներկայացման հիման վրա:

Երրորդ համընդհանուր գրանցման փուլը մեկնարկում է մայիսի 17-ին եւ կշարունակվի մինչեւ հունիսի 9-ը ներառյալ:

Առաջին դասարանցիների գրանցումը իրականացվում է կրթության կառավարման տեղեկատվական համակարգի պաշտոնական registration.emis.ge կայք-էջում:

Ինչ վերաբերում է գրանցման չորրորդ փուլին, ապա, հունիսի 28-ից մինչեւ հուլիսի 12-ը ներառյալ, այն կիրականացվի անմիջականորեն դպրոցներում: Այդ փուլում թափուր տեղեր լինելու դեպքում կարող են գրանցվել բոլոր նրանք, ովքեր նախորդ փուլներում չեն գրանցվել:

ՎՐԱՑԱԿԱՆ ՑՈՐԵՆԸ ՀԻՄՆԱԿԱՆՈՒՄ ԱՐՏԱՅԱՆՎՈՒՄ Ե ՀԱՅԱՍՏԱՆ

Վրաստանի կառավարությունը որոշել է ցորենի արտահանման սահմանափակումը ժամանակից շուտ վերացնել: Սահմանափակումը, որը պետք է գործեր մինչեւ հուլիս ամիսը, շուտով կհանվի: Պատճառը գյուղացիների բողոքն է. նրանք չեն կարողանում վաճառել իրենց արտադրանքը:

BusinessPressNews-ը գրել է, թե մինչեւ սահմանափակումների սահմանումը որոշել եւ որքան ցորեն է վաճառել Վրաստանը: Վրաստանի ազգային վիճակագրական ծառայության (Geostat) արտաքին առևտրի պորտալի տվյալները հասանելի են 2014 թվականից, այդ տարի Վրաստանն արտահանել է 2,3 մլն դոլար արժողությամբ ամենաշատ՝ 7 775 տոննա ցորեն, որն ամբողջությամբ վաճառել է Հայաստանին:

Նույն տվյալների համաձայն՝ 2015 եւ 2017 թվականներին արտահանում չի իրականացվել, իսկ 2016 թվականին Վրաստանն Ադրբեջանին վաճառել է 70,2 հազար դոլարի 74 տոննա ցորեն: 2018 թվականին Հայաստանում իրացվել է 10,1 հազար դոլարի 51,5 տոննա արտադրանք, իսկ նվազագույնը Գերմանիայում՝ 0,90 տոննա:

2019 թվականին Ադրբեջանում վաճառվել է 167,3 հազար դոլարի 698 տոննա տեղական ցո-

րեն: 2020 թվա-

կանին նույնպես արտահանում չի իրականացվել:

Ինչ վերաբերում է 2020 թվականին, ապա արտահանում ընդհանրապես չի եղել: Մինչեւ արգելքի սահմանումը՝ 2021 թվականը, Վրաստանը Հայաստանին վաճառել էր 1 316 տոննա ցորեն՝ 324,9 հազար դոլարի արժողությամբ, իսկ 10,8 հազար դոլար արժողությամբ 40 տոննա ցորեն Ուկրաինային:

Ի դեպ, մեկ տարվա ընթացքում Վրաստանը սպառում է 700-800 հազար տոննա ցորեն, որից տեղական արտադրանք է եղել միայն 10-15 տոկոս, չնայած կառավարությունը նախատեսում է առաջիկա տարիներին այդ ցուցանիշը հասցնել 50 տոկոսի:

Հացահատիկի ներմուծման 70 տոկոսը կատարվում է Ռուսաստանից, մնացած հատվածը ներմուծվում է Ղազախստանից, Ուկրաինայից, ԱՄՆ-ից:

